

**Шымкент қаласы
Білім бөліміне қарасты
№53 «Ер-Асыл» бөбекжай-бақшасы МКҚК**



**Тақырыбы:
«Кітап - біздің досымыз»**

Тәрбиеші: Усипбекова А

Шымкент қаласы 2023ж



Тақырыбы: Кітап – біздің досымыз.

Мақсаты: Балалардың кітапқа деген қызығушылығын дамыту, қолжетімді өркем шығармаларға баулу, сөздік қорларын байыту, мәдениетті қарым-қатынасты игерту.

(Тәрбиеші балалармен бірге кітап бұрышында отырады)

Тәрбиеші: Кітап та алма ағашы,

Жемісін біздер теретін.

Тәтті алмаға балашы,

Кітабыңның әр бетін, -деп акын, жазушы Мұзафар атамыз жырлағандай, әдеби кітаптар мен оқулықтар сендерге білім көзі, рухани қазына.

Оқығанымыз, тоқығанымыз көп болса, жеңбейтін жау, алынбайтын камал жоқ. (Осы кезде ғарыштың музыкасы ойналады.)

Марс планетасынан қонаққа бөгде ғаламшарлық келеді.

Бөгде ғаламшарлық: -Сәлем балалар! Мен аспаннан сендердің жиналғандарыңды көріп келіп тұрмын. Сендер не істеп отырсындар?

(Балалар бөгде ғаламшарлықпен сәлемдеседі)

Тәрбиеші: Кел, төрлет, отыр. Біз бүгін кітап әлеміне саяхат жасап отырмыз. Кітап туралы менің балаларым такпақтар мен мақалдар біледі. Қазір өзің соған куә боласың.

Бөгде ғаламшарлық: Сендердің кітапқа деген құмарлықтарыңды білгім келеді, сендер шынында да кітапты құрметтейсіңдер ме? Кітап оқуды ұнатасындар ма?

Тәрбиеші: Балалар, біз бөгде ғаламшарлыққа кітаппен дос екенімізді дәлелдеп берейік.

-Балалар, кітап тұрағы қалай аталады? (**Кітапхана**)

-Кітаптармен жұмыс істейтін маман қалай аталады? (**Кітапханашы**)

-Кітапханаға үнемі барып, кітап оқитын адамды қалай атайды? (**Оқырман**)
(Балалар жауап береді)

Тәрбиеші: -Балалар, кітап- адам өмірінде маңызды роль атқарады. Оны оқимыз, одан тәлім-тәрбие мен үлгі-өнеге алады екенбіз. Ал, олай болса, кім такпақ біледі екен? Қане, Даяна айтасың ба?

Даяна: Оқулықты баршаға,

Талай ғалым қолға алып.

Жылдар бойы қаншама,

Жазады ұзақ толғанып.

Алинұр: Кітабың сенің құралың,

Жағар білім шырағың.

Баса алмайсың ешқашан,

Онсыз алға бір адым.

Бағым: Саған білім жемісін,

Оқулығың береді.

Талай адам сол үшін,

Маңдай терін төгеді.

(Кітап бұрышына ата-ана кіреді)

-Сәлеметсіңдер ме, балалар? Мен Алуаның анасы едім, мен біраздан бері осы балабақшадағы кітап бұрышынан ертегі кітаптарды алып,немерелеріме оқып беруді әдетке айландырдым,мен сол кітабымды ауыстыруға келдім.

Тәрбиеші:-Келіңіз,төрлетіңіз.(Балалар да сәлемдеседі,ата-ана жайғасып отырады)

Алуаның анасы:-Сендердің кітап бұрыштарыңа қонақ келген ба?Балалар, сендер кітап туралы көп нәрсе білетін сияқтысыңдар ғой. Мен сендермен бір ойын ойнасам бола ма?

Ойын: «Жалғасын тап!»

Шарты:Бұл жерде балалар мақалдың жалғасын табу керек.

Айсұлтан:Білім..-(алтын қазына.)

Жәнібек:Кітап.. -(білім бұлағы.)

Бағым:Білім..-(таусылмайтын байлық.)

Алинұр:Өнерліге..-(нұр жауар.)

Даяна:Өнер ағып жатқан бұлақ, (білім жанып жатқан шырақ.)

Тәрбиеші: -Жаайсыңдар,балалар.Кітап - дүниежүзі көлемінде аталып өтетін маңызы өте жоғары рухани байлық болып табылады.2 сәуір - Халықаралық балалар кітабы күні және 23-сәуір Дүниежүзілік кітап күні болып табылады.

Алуаның анасы:-Балалар,сендер өздерің сондай ақылды екенсіңдер,кітаппен әрқашан да дос боласыңдар деп сенемін.Мақалдың жалғасын да дұрыс таптыңдар.Ал, олай болса ,мен кітабымды ауыстырып қайтайын.Сау болыңдар!

Балалар:-Сау болыңыз, апай!

Тәрбиеші:-Жарайсыңдар балалар, сендер бөгде ғаламшарлыққа кітапты сүйетіндеріңді дәлелдеп бердіңдер деп ойлаймын.

Бөгде ғаламшарлық: -Балалар, сендер шынымен де кітаппен дос екенсіңдер.Кітап оқысаңдар білімдерің толады. Балақайлар,мен сендерге сәттілік тілеймін! Ендеше мен де өз еліме кетуім керек. Сау болыңдар!

Тәрбиеші: -Әрбір адамның ең жақсы досы,өмірлік досы кітап болуы тиіс!

